

Gvangjsih Minzczu Bau

Cawjguen: Gvangjsih Bouxcuengh Swcigh Minzczu Cunghgyau Swvu Veijyenzei

Cawjbanh: Gvangjsih Minzczu Bause

Geiz neix 8 banj

广西民族报

Aenhauhokbanj: CN45-0036

B.2022

Nd.8 Ng.10

Liggaeuq nvaemzvinz nienz ndwencaet cibsam

Geizsoq: Gungh daih 3536 geiz

Gvangjsih Gaiq Daihcibhaj Yindungvei Bineix 11 Nyied Youq Gveigangj Banh

广西第十五届运动会将于今年11月在贵港举行

Bonjbauq siusik (gicej Cau Dwzfeih) 8 nyied 4 hauh, Aen Hoih Fatboub Saehmoq Gvangjsih Bouxcuengh Swcigh Gaiq Daihcibhaj Yindungvei youq Nanzningz hai. Mizgven lingidauj lwnh vunzlai rox, Gvangjsih Bouxcuengh Swcigh Gaiq Daihcibhaj Yindungvei youq bineix 11 nyied 11 hauh daengz 23 hauh youq Gveigangj Si banh. Gaiq gih yindungvei neix dwg Swcigh Yinzminz Cwngfuj cawjbanh, Swcigh Dijyuz Giz caeuq Gveigangj Si Yinzminz Cwngfuj doengzcaeaz ciepbanh.

Gaiq gih yindungvei neix faen aen hanghmoeg diyyuz doxdax caeuq hozdung vunzlai guh gak cungj doxdax, ndawde aen hanghmoeg diyyuz doxdax gungh miz 31 aen hangh hung, 817 aen hangh iq, caeuq gaiq gonq gih yindungvei 22 aen hangh hung 704 aen hangh iq doxbeij, gyalai le gvihmax, vad ruznaeng, benz dat daengj 9 aen hangh hung. Hozdung vunzlai guh gak cungj doxdax laeb baenz cuj goenghai caeuq cuj hangzyez doxdax, cuj goenghai laeb 15 aen hanghmoeg doxdax caeuq 5 aen hanghmoeg biujyienj, gungh 20 aen

hangh hung 115 aen hangh iq; cuj hangzyez laeb 13 aen hangh hung 15 aen hangh iq. Ciuq gyoebseuq, yindungyenz camgya gaiq gih yindungvei neix yaek mauhgvaq 10000 boux, lai gvaq gaiq gonq 20%.

Gaiq gih yindungvei neix gungh nangqdaengz 28 aen diyyuzgvanz, ndawde, Gveigangj Si bonjdieg 18 aen, mbouj youq Gveigangj Si 10 aen, cujyau faen youq Nanzningz, Liujcouh, Bwzhaj daengj dieg. Gaiq gih yindungvei neix Gveigangj Si gaijgvangq hwnq ciengzdieg gungh 4 aen, ciengzdieg hwnqmoq 2 aen,

buedcienz daih'iek 3 ik maenz, sojmiz ciengzdieg cungj banh doxdax ndaej.

Ciuq cam rox, Gveigangj Si gonqlaeng goengboub le veiveih, veigoh, duzgikleih, cawjdaeaz goujhau caeuq benqsenhconz gaiq yindungvei neix. Gveigangj Si yaek dawz ndei mbat neix, lai gaijndei vanzging hawsingz lajmbanj, cauh aen yienghndei hawsingz, gaijndei aen goengnaengz hawsingz, lai guenj ndei hawsingz, hawj siminz lai miz suciz, hawj gyoengq siminz diyyuz lienhdang, guh' angq, youqndwi lijyouz daengj aeuyungh ndaej habhoz.

Lozcwngz:

Ndaem Mak Coengh Saenqhwngh

罗城：水果产业促振兴

Mboengqneix, cingq dwg seiz makleiz baenz, ndaw suen makleiz Lozcwngz Mulaujcuw Swciyen Siujcangzanh Cin Niuzbiz Cunh Mbanjsinhveiz, gogo dawz aen bekroemroem, gyoengqvunz youq ndaw suen nyaengq sou mak.

Geij bi neix daeuq, aen yienh neix giethab bonjdieg saedsaeh, yungh giindei deihleix, haenqrengz heuh vunzlai ndaem mak, yungh canjnieb coengh saenqhwngh lajmbanj, hawj vunzlai lai vuenyungz.

(Liu Gvanghfuz ingi)



Aen Minzczu Yozdonz Bouxcoz Nyezrauh Gvangjsih Laebbaenz

广西青少年民族乐团成立

8 nyied 4 hauh, Aen Minzczu Yozdonz Bouxcoz Nyezrauh Gvangjsih youq Nanzningz cingq sik laebbaenz. Haemhhaenx youq Gvangjsih Yinh-yozdingh banh aen yizsiz laebbaenz, gwnz aen yizsiz, 60 boux bouxcoz nyezrauh gyaez minzczu yozgi haenx ginggvaq senj baez dem baez, cingzcik ndei gvaq vunz, baenz boux cwngzyenz buek nduj Aen Minzczu Yozdonz Bouxcoz Nyezrauh Gvangjsih.

Aen Minzczu Yozdonz Bouxcoz Nyezrauh Gvangjsih youz Swcigh Dangiveij Senhconzbu, Swcigh Vwnzva Caeuq Lijyouz Dingh cijdauj caeuq haeuqcoengh, Aen Minzczu Yozdonz Gvangjsih baihlaj Gvangjsih Yenjiyi Cizdonz gyoebcomz baenz, muzzdiz dwg fatyienqz caeuq cienzswnj

gij vwnzva yaem'wenq cienzdoengi maenhndei Cunghvaz Minzczu, gikfat bouxcoz nyezrauh daihneix gagsaenq minzczu vwnzva, daezswngz gij yisuz suyangj bouxgyaez minzczu yozgi bouxcoz nyezrauh, doicaenh hwnghat gij saehnieb yisuz yaem'wenq minzczu gih raeuz.

Aen Minzczu Yozdonz Gvangjsih 1957 nienz laebbaenz, dwg aen cizyez yozdonz miz siujsoq minzczu daegsaek, aen yozdonz neix cujyau dwg Bouxcuengh, yungzhab aen lai minzczu. Yozdonz dingmaenh minzczu daegsaek, gag gaij le lozlez, ngeihyienzndokmax, aenvenz, gimzyienzdog daengj yozgi siujsoq minzczu Gvangjsih daegbied gagmiz haenx, caemhcai q cau comz le buek cozbini

funggek mbouj doengz, youq rog gih ndaw gih miz di yingiyangj ndeu, lumjbaenz: Habyienj 《Aeu Mancuengh Hawj Mauz Cujisiz》, caezrag ngeihyienzndokmax 《Mbanjcuengh Haicin》, gagboq aenvenz 《Haemh Angq Mbanjdung》 daengj. Ndwade dingz cozbini ndeu youz Cunghyangh Densidaiz daengj daegbied iucingj loegguh boq hawj daengx guk, caemhcai q lai baez ndaej gak hangh ciengj hung daengx gih, daengx guk. Lij banh baenz le aen hoih yaemwenq minzczu cienciengz funggek mbouj doengz, hingzsis mbouj doengz, ndaej haenhndei lai.

Geij bi neix daeuq, Aen Minzczu Yozdonz Gvangjsih haenqrengz guh hozdung goeng'ik, gaenxmaenx vat-

cimh caeuq gunghanq vunzcai yisuz bouxcoz nyezrauh maenhndei. Gyoebcomz baenz Aen Minzczu Yozdonz Bouxcoz Nyezrauh Gvangjsih, yaek laebdaeb ciuq aen vunqsik guenleix ciennieb, gvenqsug caeuq cujiez lienhguh, haenqrengz cau aen doih yisuz minzczu yozgi bouxcoz nyezrauh ciennieb suijbingz sang, gveihgwz sang ndeu, vatcimh caeuq gunghanq vunzcai yienj minzczu yozgi suciz sang, suijbingz sang, hawj de baenz mbaw mingzben hawsingz vwnzva ndeu daiqbiuj vwnzva yaem'wenq minzczu bouxcoz nyezrauh Gvangjsih, langhbaij yienghndei bouxcoz nyezrauh Gvangjsih.

(Cau Genh)